

Rosa Ana Prada Queipo, secretaria do Concello de Ames (A Coruña)

Certifico: Que o Pleno do Concello de Ames, na súa sesión ordinaria celebrada o día 29 de maio de 2017, adoptou entre outros, o acordo que copiado é do teor literal seguinte:

Punto Sexto.- Resolución do recurso de reposición interposto por Espina y Delfín, S.L., contra o acordo plenario de 14 de febreiro de 2017, polo que se decide suspender o inicio da prestación de servizos do contrato Ciclo integral da auga do Concello de Ames, formalizado o 27 de xaneiro de 2017.

En relación a este punto figura no expediente informe conxunto da Asesoría Xurídica e a Secretaría Municipal do teor literal seguinte:

INFORME DA ASESORÍA XURÍDICA MUNICIPAL E DE SECRETARIA XERAL

ASUNTO: Recursos de reposición e alegacións ao acordo plenario de 29 de decembro de 2016 de adxudicación da xestión do servizo público Ciclo Integral da Auga do Concello de Ames e ao acordo plenario de 14 de febreiro de 2017 de suspensión de inicio da prestación do servizo e de solicitude de informe á Idom Consulting Engineering Architecture, S.A.U.

ANTECEDENTES DE FEITO

I.- Por acordo plenario de data 28 de abril de 2016 o Concello de Ames presta aprobación á licitación da xestión do servizo público Ciclo Integral da Auga do Concello de Ames, procedemento aberto, oferta mais vantaxosa, varios criterios de adxudicación, mediante a modalidade de concesión administrativa, por un prazo de 2+1+1 (ata un máximo de 4 anos, incluíndo período inicial e prórrogas).

II.- En sesión plenaria de 24 de novembro de 2016, procédese á clasificación de ofertas presentadas e declaradas admitidas na licitación, conforme á proposta que formula a Mesa de Contratación; cumpre recordar que en sesión plenaria de 8 de setembro de 2016 foi excluída unha das empresas licitadoras.

III.- En sesión plenaria de 29 de decembro de 2016, acordouse a adxudicación á entidade mercantil Espina & Delfín, S.L., da licitación da xestión do servizo público Ciclo Integral da Auga do Concello de Ames, sendo subscrito o correspondente contrato o 27 de xaneiro de 2017.

IV.- Contra dicho acordo plenario se presentaron os seguintes recursos de reposición:

- a) *Con data 24 de xaneiro de 2017, rexistro de entrada 619, pola entidade Espina Obras Hidráulica S.A. y Sociedad de Fomento Agrícola Castellonense S.A. UTE (a constituír).*

Neste recurso se discute, en sínteses, a infracción do principio de transparencia e o dereito de acceso á información e defensa por parte do licitador non adxudicatario; o incumprimento na oferta do adxudicatario de parte das prescricións esixidas nos pregos de licitación; a inviabilidade económica da proposta e a insostenibilidade do modelo financeiro do adxudicatario, coa conseguinte baixa desproporcionada ou anormal.

Remata o recorrente solicitando a suspensión da execución da resolución recorrida e interesando, como pronunciamentos de fondo, a nulidade do acordo de adxudicación, a exclusión de Espina & Delfín, S.L. do procedemento, e a retroacción de actuacións ao momento inmediatamente anterior á adopción do acordo de adxudicación.

- b) *En data 7 de febreiro de 2017, rexistro de entrada número 1074, pola entidade Acciona Agua S.A.U.*

Neste recurso se discute, en sínteses, a vulneración do principio de publicidade e transparencia no acceso á documentación presentada polo adxudicatario; que o informe técnico de valoración elaborado pola consultora contratada polo Concello para a avaliación de determinados aspectos das ofertas (Idom Consulting Engineering Architecture, S.A.U.) vulnera os principios de non discriminación e igualdade de trato, beneficiando á adxudicataria en detrimento do resto das licitadoras; que a licitadora Espina Obras Hidráulicas S.A. - Sociedad de Fomento Agrícola Castellonense S.A. (UTE a constituír), segunda

clasificada, plantea erroneamente a súa oferta ao partir de datos que non corresponden; que a oferta da adjudicataria Espina & Delfín, S.L. incumpre as condicións económicas de amortización dos pregos. Conclúe que, como consecuencia do exposto no recurso, procede a exclusión da adjudicataria e da licitadora clasificada en segundo lugar, de onde desprende a nulidade do acto de adjudicación; e solicita a suspensión dos efectos do acto de adjudicación mentres non se resolva o recurso de reposición.

V.- Por acordo do Pleno do Concello de Ames de 14 de febreiro de 2017 se resolve a admisión a trámite dos dous recursos de reposición presentados, e se decide suspender o inicio da prestación do servizo que resulta do contrato suscrito coa adjudicataria o 27 de xaneiro de 2017.

Ao mesmo tempo se acorda, entre outros extremos, solicitar informe á entidade Idom Consulting Engineering Architecture S.A.U., sobre determinados extremos dos recursos, dar traslado dos recursos presentados á adjudicataria (Espina & Delfín, S.L.) e á segunda clasificada aludida no recurso de Acciona Agua S.A.U. (Espina Obras Hidráulicas S.A. - Sociedad de Fomento Agrícola Castellonense, S.A. (UTE a constituír)) a fin de que puideran formular as alegacións que estimasen oportunas.

VI.- Pola entidade Idom Consulting Engineering Architecture S.A.U., se presentou informe con data 24 de marzo de 2017, RE 2840, aclarado á solicitude do Concello por un posterior informe de data 5 de abril de 2017, RE 3406 de 7 de abril de 2017.

Espina & Delfín, S.L. presentou sensos escritos de alegacións en data 1 de marzo de 2017 (con rexistro de entrada números 1927 e 1926), nos que formula alegacións aos recursos de Acciona Agua, S.A.U. e Espina Obras Hidráulicas S.A. Sociedad de Fomento Agrícola Castellonense, S.A., UTE (a constituír), respectivamente.

Espina Obras Hidráulicas S.A. Y Sociedad de Fomento Agrícola Castellonense, S.A., UTE (a constituír), pola súa parte, presenta escrito de alegacións ao recurso de Acciona Agua S.A.U. en data 1 de marzo de 2017, con rexistro de entrada número 1933.

VII.- Espina & Delfín, S.L. formula mediante escrito presentado o 27 de febreiro de 2017, con rexistro de entrada número 1866, recurso de reposición contra o acordo plenario de 14 de febreiro de 2017, no referente ao punto polo que se acorda suspender o inicio da prestación do servizo, alegando, en sínteses, que non procede tal suspensión.

VIII.- Acciona Agua, S.A.U. presenta un escrito de alegacións o 3 de marzo de 2017 mediante rexistro de entrada 2057 ao acordo plenario de 14 de febreiro de 2017, no relativo á solicitude de informe á entidade Idom Consulting Engineering Architecture, S.A.U., ao entender que a mesma carece da solvencia técnica necesaria para poder emitir o informe interesado polo Concello, dubidando da súa imparcialidade ao haber emitido xa un previo informe durante o período de valoración de ofertas que é, precisamente, cuestionado no recurso de Acciona Agua S.A.U., e discutindo o procedemento de contratación seguido para efectuar tal solicitude de informe.

IX.- A pesares de tratarse de recursos e alegacións distintos, e incluso contra actos dispares, na medida en que os mesmos teñen como nexo común o procedemento de licitación da xestión do Ciclo Integral da Auga do Concello de Ames e están intimamente conectados entre si, se considera oportuno avaliar todos estes recursos e alegacións nun mesmo informe, sen perxuízo da necesaria individualización á hora de analizar os concretos argumentos expostos polas partes.

FUNDAMENTOS DE DEREITO

Real Decreto Legislativo 3/2011, de 14 de novembro, polo que se aproba o Texto Refundido da Lei de Contratos do Sector Público (TRLCSP).

Real Decreto 1098/2001, de 12 de outubro, polo que se aproba o Regulamento Xeral da Lei de Contratos das Administracións Públicas

Lei 39/2015, de 1 de outubro, de Procedemento Administrativo Común das Administracións Públicas.

INFORME

(.....)

D.- RECURSO ESPINA & DELFÍN S.L. CONTRA O ACORDO PLENARIO DE 14 DE FEBREIRO DE 2017 POLO QUE SE ACORDA A SUSPENSIÓN DO INICIO DA PRESTACIÓN DO SERVIZO.

Primeiro.- Resta por último analizar o recurso presentado polo adjudicatario contra o acordo plenario que acorda a suspensión do inicio da prestación do servizo do contrato Ciclo Integral da Auga, formalizado en data 27 de xaneiro de 2017.

Sobre este particular, a desestimación dos recursos de reposición formulados polos licitadores non adxudicatarios deben conducir á confirmación da adxudicación a favor de Espina & Delfin S.L., o que supón a perda de eficacia da suspensión acordada. Suspensión que, polo demais, se adopta de modo razoado e na mellor defensa dos intereses públicos para evitar os danos e perxuízos que ao erario municipal lle houbera podido producir a execución do contrato se, posteriormente, se houberen admitido os ditos recursos e procedese deixar sen efecto a adxudicación.

Entendese, por elo, no so que a suspensión se axusta á Dereito, sino que ademais, na medida en que deixa de surtir os seus efectos coa desestimación dos recursos indicados, fan innecesario resolver o recurso de reposición presentado por Espina & Delfin S.L. por perda sobrevenida do seu obxecto.

Procede desestimar o recurso de reposición de Espina & Delfin S.L.

Por todo o exposto, vistos os preceptos legais citados e demais de xeneral e pertinente aplicación, se formula ao Pleno da Corporación Local, como órgano competente, de conformidade co establecido no artigo 123 da Lei 39/2015, a seguinte

PROPOSTA DE ACORDO:

(.....)

Cuarto.- *Desestimar o recurso de reposición interposto por Espina & Delfin S.L., con rexistro de entrada 1866 de 27 de febreiro de 2017 contra o acordo plenario de 14 de febreiro de 2017 polo que se decide suspender o inicio da prestación de servizos do contrato Ciclo Integral da Auga do Concello de Ames, formalizado en data 27 de xaneiro de 2017, polas razóns contidas no corpo de este informe.*

Quinto.- *Notificar o presente acordo aos interesados, así como publicalo no perfil do contratante do Concello de Ames indicándolles que o mesmo é definitivo en vía administrativa e que contra él poderá interpoñer recurso contencioso administrativo perante o xulgado do contencioso administrativo que por turno corresponda dos de Santiago de Compostela, no prazo de 2 meses dende o día seguinte o de notificación do presente acordo, nos termos establecidos na Lei 29/1998 de 13 de xullo reguladora da xurisdición contencioso administrativa. Todo ilo sen perxuízo da interposición de calquera outro recurso que poida considerar oportuno.*

Ames, de maio de 2017.

O asesor xurídico
José María Santiago Morales

A Secretaria
Rosa Ana Prada Queipo

(.....)

Rematadas as intervencións, o Pleno da Corporación por maioría absoluta do número legal de membros, coa abstención dos 3 concelleiros/as do grupo municipal Pacto X Ames e o voto a favor do resto dos concelleiros/as (18) da Corporación Municipal, adopta os seguintes acordos:

Primeiro.- *Desestimar o recurso de reposición interposto por Espina & Delfin S.L., con rexistro de entrada 1866 de 27 de febreiro de 2017 contra o acordo plenario de 14 de febreiro de 2017 polo que se decide suspender o inicio da prestación de servizos do contrato Ciclo Integral da Auga do Concello de Ames, formalizado en data 27 de xaneiro de 2017, polas razóns contidas no informe transcrito no corpo deste acordo.*

Segundo.- *Notificar o presente acordo aos interesados, así como publicalo no perfil do contratante do Concello de Ames indicándolles que o mesmo é definitivo en vía administrativa e que contra él poderá interpoñer recurso contencioso administrativo perante o xulgado do contencioso administrativo que por turno corresponda dos de Santiago de Compostela, no prazo de 2 meses dende o día seguinte o de notificación do presente acordo, nos termos establecidos na Lei 29/1998 de 13 de xullo reguladora da xurisdición contencioso administrativa. Todo ilo sen*

perxuízo da interposición de calquera outro recurso que poida considerar oportuno.

Terceiro.- *Facultar ao alcalde para cantas actuacións de trámite sexan precisas para a mellor execución do acordado.*

E para que conste, aos efectos oportunos, expido a presente certificación co visto e praxe do señor alcalde en Ames, a 31 de maio de 2017, e coa advertencia de que non foi aprobada aínda a acta da sesión correspondente.

Vº e praxe

A secretaria

O alcalde

José M. Miñones Conde

Rosa Ana Prada Queipo